


**Ki Sawa Bad
Ki Dur Kyntien
Jong
Ka Ktien Khasi**



**Da
Ka Badaplin War**

2009

Ki Sawa Bad
Ki Dur Kyntien
Jong
Ka Ktien Khasi

Da
Ka Badaplin War

2009

Ka sien shon kaba nyngkong - 2001

1000 Copies

Ka sien shon kaba ar - 2004

2000 Copies

Ka sien shon kaba lai, ba la pynbha bad pynheh - 2009
(Third reprint revised and enlarged)

2000 copies

Īa ka hok longtraï la tyngkai
(All rights reserved)

Published by Ri-ia-dor at *Rilum Offset Printing House*,
Umsohsun, Shillong, Meghalaya.

KA SIEN SHON KABA LAI

Ha ka sien shon kaba lai jong kane ka kot la pynrung thymmai kawei ka lynnong kaba long halor ki dak-thoh bad ka rukom spel dak da kaba pyrkhath ba kane kan ai jingmut kumno ban pynbeit ryntih ĩa ka thoh ka pule ha ka ktien Khasi, ki jingeh kiba dang sah katto katne ha ka.

La pynheh bad pynbha ruh ĩa ki lynnong ba la pynrung ha ki sien shon ba la dep da kaba pynbeit pynryntih ĩa ki senten. Shuh shuh la pyrshang ban tyrwa da ki kyntien Khasi bad la spel Khasi ruh ĩa ki katto katne ki symboh pyrkhath bad ki kyrteng-batai (terms) ha kane ka kot. Hynrei da kaba angnud ban pyllait na kano kano ka jingsngewthuh bakla, la ai de ryngkat bad ki ĩa ki kyntien English. Lehse ynda la thew la woh, la pynbiang pyrļa bad ynda la lah ban pynbat pynsnoh bha ĩa ki, yn sa lah ban pynrung noh tang da ki kyntien Khasi ha ki sien shon kiba hadien. Īa mynta hi, la bteng ban pynrung da ki kyntien English na ka bynta ki katto katne tylli ki kyntien kum **phoneme**, **morpheme**, **deictic**, **clitic**, **verb**, **noun** bad kumta ter ter.

Ñiuma la pyrshang katba lah ban ai ka jingbatai kaba kham suk ha ka ktien Khasi na ka bynta jong ki. La batai ĩa u **phoneme** kum u phngit sawa, ĩa u **morpheme** da ka snap kyntien, ĩa ka **compounding** da ka syndait kyntien bad ki **compound** da ki kyntien syndait, ĩa ka **reduplication** da ka synrap kyntien bad ki **reduplicated words** da ki kyntien synrap.

La phiah ĩa kane ka kot ha ki lai tylli ki bynta – ka bynta ba nyngkong ka kynthup lai tylli ki lynnong kiba tai kyllum halor katto katne ki mat jong ka ktien Khasi, ka bynta kaba

ar ka kynthup san tylli ki lynnong kiba tai bniah halor ki sawa (phonetics and phonology), ka bynta kaba lai ka don hynñiew tylli ki lynnong kiba batai shaphang ki kyntien (morphology).

La pynbit pynbiang ïa kane ka kot na ka bynta ki samla pule B.A. kiba pyndonkam ïa ka **syllabus** thymmai (revised syllabus 2009) hynrei ki samla pule kiba dang hab hapoh ka **syllabus** kaba rim kin ïaid lait noh ïa ki Lynnong III, IV, V, VI, VII bad VIII.

Nga kyrmen ba kane ka kot kan ïai bteng ban shakri na ka bynta ka jingdonkam ban tai ban pharia ïa ki katto katne ki snap ki skor, ki thup ki syrtap jong ka ktien Khasi.

Dated Shillong

Badaplin War

August 31, 2009.

(iv)

KA SIEN SHON KABA AR

Dr. Badaplin War

M.A. (English) NEHU, M.A. (Linguistics) University of Delhi,

Mphil (Linguistic) University of Delhi

PhD (Linguistics) University of London, UK.

Professor and Head, Department of Khasi, NEHU.

Ha kaba nyngkong eh, nga pynpaw ïa ka jingsngewnguh jong nga ïa ki nongpule baroh kiba la pule ïa kane ka kot. Ka jinglut kloijong kane ka kot lehse ka pyni ïa ka jingñiewkor jong ki ïa la ka ktien namar ba ka jingtip kaba bniah halor ka ktien ka long kaba donkam na ka bynta kano kano ka kynhun jaitbynriew. Kumba la ju ïa kren ha kiba bun ki khep, kawei na ki lad kiba khlaif eh ha ka ban pynneh pynsah ïa ka jinglong kyrpang jong ka jaitbynriew ka long lyngba ka jingñiewkor ïa la ka ktien (maintenance of culture through language). Nga sngew tynnat shibun eh ba la don ruh ki 'riew-wad jingtip (research scholars) kiba la sdang ïa ki jingtrei (research) jong ki halor ki katto katne ki phang ba la plaid ha kane ka kot. Kata hi ka long kawei na ki jingthmu ha kaba la thoh bad pynmih ïa ka, ban ktik ïa kiwei pat ban suh-khlieh kham jylliew sha ki par-hira jong ka Ktien Khasi.

Ha kane ka sien-shon, la ïaleh ban pynbeit ïa ki katto katne ki jingbakla kiba don ha ka sien-shon kaba nyngkong hynrei ym shym la pynrung eiei kaba thymmai. Lada U Blei U ibit, nga dang pynkhreh bad nga kyrmen ba ngan lah ban pynmih ïa ki kot ki ban tai ïa kiwei de ki bynta jong ka Ktien Khasi.

Nga pynpaw ruh ïa ka jingsngewnguh jong nga ïa i Walter Thabah, M.Phil Scholar jong ka Khasi Department NEHU iba la ai jingmut ban khot 'syndait kyntien' na ka bynta ka kyntien **compounding** bad 'synrap kyntien' na ka bynta ka kyntien **reduplication** ha kane ka sienshon kaba ar.

U Blei Un kyrkhu ïa phi ki nongpule baroh.

Dated Shillong

(B. War)

The 27th September, 2003

(v)

KI SKER

Page

Ka Lamkhmat

iii - vii

BYNTA – I Kyllum Halor Ka Jingpule ĩa Ka Ktien Khasi

Lynnong I - Halor Ka Jingpule ĩa Ka Ktien 1

Lynnong II - Ka Jaka jong Ka Ktien Khasi 6

Lynnong III - Ki Dak-thoh Ha Ka Ktien Khasi 18

BYNTA – II Halor Ka Phonetics Bad Ka Phonology

Lynnong IV - Ka Jingpule ĩa Ka Phonetics 31

Lynnong V - Ka jingpule ĩa Ka Phonology 45

Lynnong VI - Ki Sawa Konsonan Ha Ka Ktien Khasi 50

Lynnong VII - Ki Sawa Bowel Ha Ka Ktien Khasi 63

Lynnong VIII - Ki Dak Phonetic Bad Ka Assimilation

Ha Ka Ktien Khasi 70

BYNTA – III Halor Ka Morphology Bad Ki Lad Shna Dur Kyntien

Lynnong IX - Ka Morphology Bad Ki Snap Kyntien Affix 74

Lynnong X - Ki Snap Kyntien Clitic 95

Lynnong XI - Ki Kyntien Syndait (Compounds) 99

Lynnong XII - Ki Kyntien Synrap (Reduplicated words) 110

Lynnong XIII - Ki Kyntien Shim Kylliang (Loan words) 116

Lynnong XIV - Ki Kyntien Ba La Saiñ Thymmai

(Coined words) 133

Lynnong XV - Ki 'Tien-Kynnoh. 135

Ka Par Jingtip 140

LYNNONG – VIII

KI DAK PHONETIC BAD KA ASSIMILATION HA KA KTIEN KHASI

Ha ki lynnong ba shakhmat, kata ha ka Lynnong VI bad ka Lynnong VII, ngi iohi ba ka ktien Khasi ka don arphew hynñiew tylli ki sawa konsonan bad khatwei tylli ki sawa bowel. Shuh shuh, ngi shem ruh ba dang don ruh sa ki **diphthong** bad ki **triphthong** ha ka. La kdew bad buh dak ruh ia iwei-pa-iwei na kitei ki sawa da ki dak **phonetic** (phonetic symbols). Harum yn ai katto katne tylli ki nuksa ia ka rukom buh dak **phonetic** ia katto katne tylli ki kyntien ha ka ktien Khasi:

Kyntien ha ka ktien thoh

ki
dih
im
lyngdoh
sdie
snier
de
seng
em
kper
khla
bah
nam
mrad
lko
ong
akor
putharo

Dak phonetic

/ki/
/dIʔ/
/Im/
/lIŋdɔʔ/
/sde/
/sner
/dɛ/
/sɛŋ/
/ɛ :m/
/kpe:r/
/kʰla/
/baʔ/
/na:m/
/mra:d/
/lko/
/ɔŋ/
/ako:r/
/putʰaro/

Lum Shyllong	/lom sʃɪlɔːŋ/
thmu	/tʰmu/
sum sleh	/sum slɛʔ/
khia	/kʰia/
shyiap	/sʃɪap/
briew	/briew/
thliew	/tʰliew/
ksew	/ksew/
kyrjaw	/kɪrdʒau/
khaw	/kʰaːu/
skei	/skei/
leit	/leit/
kynjai	/kɪndʒai/
ksaiŋ	/ksaiŋ/
khnai	/kʰnaːi/
skaif	/skaːiŋ/
poi	/poi/
loit	/loit/
kloi	/kloːi/
jakoid	/dʒakoːic/
kuhiw	/kuhiw/
lui-lui	/lui lui/
suiŋ	/suiŋ/
buit	/buit/
duriaw	/duriaw/
siaw	/siaw/
kaei	/kaei/
haei	/haei/

Dur 15

Khatduh eh ha kane ka lynnong, ngin bishar ia ki katto katne tylli ki nuksa ha kaba ka don ka jingkylla jong ki **phoneme** na ka

daw jong ki katto katne ki kyndon jong ka ktien. Kawei na kine ki jait jingkylla ka long ka **assimilation**.

Ka **assimilation** ka mut ka jingkylla dur noh jong u **phoneme** na ka jingshah saiŋdur ha uwei uba ieng lang hajan jong u. Ngi iohi ia kane haba u /n/ uba ieng ha shuwa jong u // u kylla sha u // ha kine ki nuksa harum:

/kʰon/ + /luŋ/	/kʰɪlluŋ/ 'khyllung'
/wan/ + /lam/	/wallam/ 'wallam'
/pɪn/ + /laic/	/pɪllaic/ 'pyllait'

Don pat ki kyntien ha kaba kane ka jait jingkylla kam treikam, kata, u /n/ u ia sah hi kumjuh wat lada u ieng ha shuwa jong u **phoneme** // kum ha kine ki nuksa harum:

/pɪn/ + /lɛʔ/	/pɪnlɛʔ/	'pynleh'
/pɪn/ + /lɔic/	/pɪnlɔic/	'pynloit'
/pɪn/ + /lɔŋ/	/pɪnlɔŋ/	'pynlong'

Kane ka kdew ba katei ka **assimilation** ka ktah tang ha ki katto katne ki kyntien, ym ha ka ktien Khasi baroh kawei salonsar (partial assimilation).

Sa kawei pat ka nuksa jong ka **assimilation** ngi iohi ha ka kyntien 'jyntah' ha kaba u **velar** /ŋ/ u kylla sha u **alveolar** /n/ na ka daw ba u ia ha shuwa u **alveolar** /t/, kata ka mut:

/dʒɪn/ + /taʔ/	/dʒɪntaʔ/	'jyntah'
----------------	-----------	----------

Don katto katne ki nongthoh kiba ai sa khyndiat tylli ki nuksa halor kane kum ki kyntien 'jyntrei', 'jyntip', 'jyntep'. Haba sngapthuh ia kiba bun ki nongkren la shem ba ki kham pyndonkam hi ia u velar /ŋ/, kata 'jingtrei', 'jingtip' etc. Don kiba pyndonkam da u velar /ŋ/ bad don pat kiba pyndonkam da u alveolar /n/ ha kaba pynmih ia ka kyntien 'jingtep'.